

Schnitzelbank 2010 Gruppe 2

Am Palmestrand / bim Würst grilli`ere / bi Tangokläng z`Kaltbrunn flani`ere
Mütterer mit Chind / im Bach umetolle // Väterer, Surfer / Sägle mit der Jolle
Fischer stritte / um dr lengsch Hecht / vom Höllbach
und mir warte / bis der Rickli / vom Traum erwacht

Der Samichlausbruuch / isch im Kalender / jetzt g`rtiche
d`Eltere / müend dr Huskrach / wieder sälber schlichte
Hüt heisst nüm / Samichlaus du Li`ebe Ma / gäll ich muess kei Ruete ha / Jetzt heists /
Nur wäge Nuss / Manderine und Bire / bringsch mii / vom Nintendo / nüm hindefüüre
D`Chlöis z`Kaltbrunn / hei drumm resigni`ert / a dä Huswänd / sich erbärmlich stranguli`ert

Für ufs WC / isch der Cheib eus z`hart / Für in Abfall / d`Sackgebühr doch d`schad
Mir hei üs krümmt / vor luter Sorge / Dä Ortskaländer guet z`entsorge
D`Verbrännigsalag / seit üs nur schrull /
Nei // dä het / Energiewert under null

Dr Marc Steiner / muess / trotz Sunntigsrue // Im Dorf go grase / für Chalb und Chue
Doch will das / ä gruusige Lärm verfüert // Het är / mit em Pfarrer / sich arrangsch`ert
Wenn drMarc d`Maschine / lot aa vo tschättere /
D`Chileglogge / d`Lüt ufrüefet / zum cho Bätte

Am Müllisberg / wird wacker baut / DerBärg / gääl, orasch / rot versaut
Im Gmeindrot / got das gäg der Strich //er will / dass dä Hügel / neu g`striche wird
Mir bittet / di`e Farbtupfer / i der Gmeind lo z`stoh /
als Chance / in 50 Jahr / dr Wackerpriis z`becho

Ä Blau Bar / statt äs Partyzält / het em Hirsche Peter / s`Beize vergällt
Au s`Bistro schluesst / wägä z`hoche Priise
muess schiins / emene Kebab-Fleischturm / wiiche
Doch das will / d`SVP vermiise / mitere Anti-Kebab / Initiative

Au d`Bruggmüüli baut / es isch ä gruus / mit blondem Volk/ schwarz d`Müüli uus
Verhökeret / di`e Renditeschüüre / bevor mer drin / cha richtig füüre
Do ändlich / d`Gmeindsbehörde chunnt
Mir hätte do / sii sötte drum / düet sid so guet das Schriibe /
/ die Baubewilligung / am beschte sälber unterschriibe

Mir händ / dr Hirsche Peter gfrogt / worum är d`Beiz / so schnell verlot
Är / ganz zerknirscht / oransch im Gsicht / und ganz verdrosse / schli`essli schpricht
Uf d`Längi / het Chaltbrunn / är seit
Mii Soss-Hollandäas / halt nüm verdreit

Vom Vogel / Hund vor Chatz /vom Schwein, / für eus isch das doch einerlei
Mir liide schon / sit Jahr und Tag / mä chum me richtig ässe mag
und fühle üs / scho chronisch chrank /
vom Wick sim / Schweinestallgestank

